



Ordonnance de l'entree faite par Lempereur Charles en la ville de Boulongne en Italie, en lan mille V.C.XXIX

<https://hdl.handle.net/1874/9937>

Ordonnance de l'entree

faicte par Lempereur Charles en la ville de
Boulongne en Italie. En lan
mille, V. C. XXIX.



Cum gratia & priuilegio.



Premierement le capitaine sucre avec tous les cheuaultz legiers.
 Apres ledict capitaine suyuoit l'artillerie.
 Apres l'artillerie Anthoine de Leyua avec les allemans.
 Apres Anthoine de Leyua estoit Lalcade de la court avec les agoi-
 selles & gens de iustice,
 Apres Lalcade suyuoient les deux banieres de laygle et saint Ge-
 orge q̄ portoit monsieur Dautrey, et vng aultre gētil hōe espaingol.
 Apres les deulx banieres marchoit la cōpaingie monsieur du Reux.
 Apres la cōpaingie dudict seigneur du Reux marchoit lescuirye.
 Apres lescuirye les gentilz hommes seruaus de la bouche,
 Apres iceulz gentilz hommes ceulz de la chambre,
 Apres ceulz de la chābre les chābellains et gētilz hōes pēsiōnaires.
 Apres les chābellains les trompettes.
 Apres les trompettes les seigneurs de tiltres/comme Duc, Marquis:
 et contes,
 Apres les seigneurs de tiltres marchoient les machies et roy darmes
 Apres les machiez & roy darmes marchoit le herault qui semoit lar-
 gent par les rues, et estoit seul,
 Apres ce herault le grand maistre d'hotel,
 Apres le grād maistre d'hotel alloit le grāt escuyer portāt le spee nue,
 Apres Lempereur.
 Apres Lempereur suyuoient les ambassadeurs.
 Apres les ambassadeurs marchoit le grand chābellain seul.
 Apres le grant chābellain les prelatz et gens de conseil avec An-
 drea Dorio.
 Apres iceulz estoit la grande enseigne/et deriere elle les gentilz hom-
 mes de la maison.
 Apres l'enseigne suyuoit le capitaine des archiers et ses archiers.
 Apres ledict capitaine venoit la bende du Marquis Darchoy,
 Apres celle cōpaingie les paiges & seruiteurs des gentilz hommes
 Apres iceulx venoit le maistre du chāp avec les pietons espaingolz,
 De Boulongne le, v. de Nouembre. xvc. xxix.

¶ Premierement le .iiij. de Nouembre nostre sire Lempereur arriua
 a Castel franc avec toute sa court/ comme cy apres sera mentjone.
 Et est demoure la iusques le lendemain qui se retiroit a Boulongne
 et arriua au pont de Rem. La sont venus .xxv. Cardinaulx lesquelz
 sont descenduz de leurs mulles et alle au deuant de sa maieste vng
 demy traict darbalestre et le ont receu/ & sa maieste est demoure a
 cheual/ & luy ont faict grande reuerence. Apres lesdictz Cardinaulx
 sont remontes/ & ont mene sa maieste en vng cloistre vne lieue ytalī
 anne de Boulongne. et decoste Lempereur sont allez le Cardinal
 Dauconne & Vernesi/ Et luy sont venu au deuant .iiij. cens hommes
 darmes. Et la est Lempereur avec toute sa court demoure la nuyt
 et lendemain est entre a Boulongne comme sensuit.

¶ Premierement sont entres .iiij. ces cheuaulteurs legiers tous biēs
 armes et montes/ acoustres d'une liuree de drap. Apres, x. grosses pie-

ces d'artillerie. Apres cent pionniers ayant chascun vne houppette de laurier en leurs mains, Apres les capitaines & chiefz de guerres bien montes & acoustres, Apres les autres artileries moyennes, Apres Anthoine de Ieu fut porte sur vng siege acoustre de velour tanet. Apres les .xiiij. bendes de pietons allemans tous biens acoustres. Apres deux grans maistres biens montes et armes de pied en cappe/les cheualx bardes avec leurs robbes a cheualcer de drap dor/deuant chascun deulx vne baniere de drap dor/avec vng aigle noir, et vne autre baniere de blanc damast avec vne croix rouge/ que le Pape luy a donne.

Apres monsieur du Reux avec trois ces hommes d'armes acoustrez de bleu iaulne et rouge soye & velours. Apres les grandz maistres despaigne avec .iiij. cens hommes d'armes bien montes acoustres de drap dor. & leurs cheualx bardes. Apres les paiges de Léopereur, .xxv. en nombre/ acoustres de velour iaulne, montes sur genetz, bardez de drap dor. & autres acoustremens triumphans. Apres autres grandz maistres despaignes accoustres de drap dor: armes de toutes pieches et leurs cheualx bardes. Apres les .vi. cens halbardiers acoustres de iaulne & bendes de tanet et gris. Apres Lempereur soubz vng ciel de drap dor mote sur vng cheual hongrois dot les estiers & mor estoiet de fin or/et richement bardes. Et estoit ledict sire Lempereur arme de toutes pieches/et auoit dessus vestu vne riche robe de drap dor, et alloit deuant luy son mareschal ayant en sa main vne espee nue/et decoste de sa maieste alloient a pied .xxv. gentilz hommes de Boulongnes accoustres de blanc satin doubles de drap dor decoppes/avec les chaulches de rouge velour. Et leur pourpoint de rouge satin cramoisy.

Apres suyuoit le cote de Nassou arme de toute pieces, avec vng faion de drap dor et son cheual richement barde de drap dor. Et soubz luy beaucoup d'autres grans maistres & gentilz homes armes. Apres cet hommes d'armes acoustres de iaulne velour. Et .iiij. xx. hommes d'armes accoustres en noir/et beaucoup d'autres de leurs liures bien en nombre de deux mille. Apres suyuoient les .vi. bendes espaignolz pietons, que sa maieste auoit adme de despaigne, et estoient la plus part hacquebutiers tous acoustres de iaulne.

¶ Apres quil fust arriue/ et son train et en ordre comme dessus iusques a la place du palais nostre saint pere le pape se fist porter sur vng siege fort triumphant hors dudict palais iusques sur les degrez de leglise de saint Petroino. Et alloient deuant luy ses officiaux, ses ambassadeurs, et .xxv. Car dinaulx. Apres quil fut sur lesdictz degrez se fist mettre en son siege. Et au coste de luy les cardinaulx ambassadeurs & officiaux avec la garde. Et quant Lempereur fut entre on luy apporta au deuant le saint crucifix lequel il baissa. Apres ce fait fut incontinent seme et espars enuiron .iiij. mille ducatz que en or et en argent, ce que dura bié vne demy heure. Et quant Lempereur fut arriue au pres desdictz degrez, descendit de son cheual avec le con

te de Nassou et aultres maistres de sa garde/ et fut avec son chiel de drap dor admeue en hault ou le pape estoit, lequel luy fist par trois fois la reuerence. Et l'empereur venu au pres du pape se mist incontinent a genoulz et baïsa ses piedz. Apres se releuit et luy baïsa ses mains et la face. Et ce fait se mist de rechief a genoulz au coste dextre du pape, et demoura ainsi iusques ad ce que les aultres grans maistres eurent tous baïsses les piedz dudict pape/ auquel L'empereur dit en latin luy estant a genoulz: comedendū est, Sainct pere le tãps est approchie que rant ay desire de veoir vostre beatitude, et estre bõ et obediẽt filz de lesq̃ite apres ce dict. Le Pape se leuit de son siege et le baïsa en sa face, par trois fois en luy disant. Le vous requiers pardõ et merens a vous, et ne vous esbahisses point que maues baïsses les piedz, ce n'est point ma volũte, mais cest pour la serimonie que lõ est accoustume de faire quãt vng Empereur rechoit la courõne. Apres se sont prins entre les bras et se sont de rechief salues. Et le pape print L'empereur et le mena iusques aux montees, & se fist nostre dit sainct pere porter en son palais. Et l'empereur entra en ladicte eglise de sainct Petroino et en celle baïsa la teste dudict saĩct. Et dela fut avec ses grã maistres mene au palais avec beaucoup de trõpettes et clarons, et luy uoient riches et pures criãt a haulte voix viue L'empereur par mer et par terre en menant grãz lamentatiõs et pleurs qui estoit piteuse chose a veoir. L'empereur estoit fort ioyeux entrant en la ville, et vint aussi ioyeusement deuant le pape, en riant et presentant au pape vne bourse de drap dor plaine de medaille dor, qui sõt cõtrefaictures des ancestres Empereurs et Roix, et dudict empereur du roy de Hõgerie son frere et d'aultres plusieurs: en or. v. mille ducatz. Et quãt la maïeste fut entree au palais lon deherga la grosse artillerie et les mortiers, et trois mille hacquebuttes a crochetz et aultres. Et furent fatẽz .iiij. grã fus de ioye deuant le palais, et furent toutes les cloches sonnees. Et fut L'empereur logie au palais, et chascũ se retira en son logis. Et le lendemain furent le Pape et L'empereur deũfant ensemble tout le iour dont lon na quelque cognoissance, Dieu donne par sa grace que de tout bien en aduiengne.

Imprime en Anuers au Nauveau par moy Michiel de
Hoochstrate An. M. D. XXIX,
au moys de Decembre.